

Na osnovu člana 102. Pravila JU OŠ „Aleksa Šantić“ Sarajevo, a u vezi člana 7. Uredbe o utvrđivanju vlastitih prihoda, načina i rokova raspodjele („Službene novine Kantona Sarajevo“ 51/16), te u vezi člana 14. Instrukcije za donošenje Pravilnika o kriterijima za sticanje i raspodjelu vlastitih prihoda budžetskih korisnika- predškolskih ustanova, osnovnih i srednjih škola i domova učenika („Službene novine Kantona Sarajevo“), školski odbor JU OŠ „Aleksa Šantić“ Sarajevo na sjednici održanoj 12.12.2017. godine donosi

PRAVILNIK

O kriterijima za sticanje i raspodjelu vlastitih prihoda JU OŠ „Aleksa Šantić“ Sarajevo

I-OPĆE ODREDBE

Član 1.

(Predmet Pravilnika)

Ovim Pravilnikom u skladu sa Uredbom o utvrđivanju vlastitih prihoda, načinu i rokovima raspodjele („Službene novine Kantona Sarajevo „broj 51/16) i u skladu sa Instrukcijom za donošenje Pravilnika o kriterijima za sticanje i raspodjelu vlastitih prihoda budžetskih korisnika- predškolskih ustanova, osnovnih i srednjih škola i domova učenika utvrđuje se vrste, osnov sticanja, visina naknade i raspodjela vlastitih prihoda u JU OŠ „Aleksa Šantić“ Sarajevo (u daljem tekstu: Škola).

Član 2.

(Vlastiti prihodi)

Vlastiti prihodi koje ostvari Škola su javni prihodi Budžeta Kantona, a raspoređuju se u skladu sa ovim Pravilnikom

Član 3.

(Ostvarivanje vlastitih prihoda)

- (1) Pod vlastitim prihodima podrazumijevaju se prihodi koje Škola ostvari obavljanjem osnovne djelatnosti i ostalih poslova na tržištu.
- (2) Pod vlastitim prihodima ne podrazumijevaju se prihodi koje Škola ostvari obavljajući osnovnu djelatnost propisanu zakonom ili drugim propisom o osnivanju, za koju je propisana utvrđena visina naknade za usluge koje pruža pravnim i fizičkim licima, kao ni prihodi ostvareni u internom poslovanju između budžetskih korisnika na istom nivou vlasti.

Član 4.

(Uplata i evidentiranje)

Uplata i evidentiranje vlastitih prihoda vrši se u skladu sa članom 4. Uredbe o utvrđivanju vlastitih prihoda, načina i rokova raspodjele („Službene novine Kantona Sarajevo“ broj 51/16).

II -STICANJE VLASTITIH PRIHODA

Član 5.

(Osnove za sticanje vlastitih prihoda)

Škola stiče vlastite prihode po osnovu:

- a) organizacije i realizacije pripremne i instruktivne nastave,
- b) uplata za realizaciju posebnih programa,
- c) pružanje usluga učenicima za produženi boravak
- d) realizacije „škole u prirodi“,
- e) prodaje otpadnog materijala,
- f) prodaja proizvoda i usluga koje izrađuju učenici u toku praktične nastave,
- g) catering-a,
- h) izdavanje prepisa/duplikata dokumenata,
- i) participacije u troškovima školovanja (naknada za osiguranje učenika, nabavka zadaćnica, kopiranje, upotreba biblioteke, posjeta pozorištu, kinu i dr.),
- j) reklamno-propagandnih usluga,
- k) izdavanje opreme i prostora u zakup,
- l) ustupanje tenderske dokumentacije u postupku javnih nabavki,
- m) kopiranje i uvezivanje pisnog materijala.

Član 6.

(Naknada za realizaciju usluga)

- a) instruktivna nastava za grupu od 10 i više kandidata (po času).....4 KM
- b) instruktivna nastava za grupu do 10 kandidata (po času).....8 KM
- c) produženi boravak za grupe učenika (naknada po učeniku):
 - od 16 do 21 učenika.....200 KM
 - od 22 do 27 učenika.....185 KM
 - od 28 do 32 učenika.....170 KM
- d) realizacija škole u prirodi:
 - 3 dana (2 pansiona sa prijevozom).....75 KM
 - 4 dana (3 pansiona sa prijevozom).....110 KM
 - 5 dana (4m pansiona sa prijevozom).....145 KM
 - 6 dana (5 pansiona sa prijevozom).....180 KM
- e) izdavanje prepisa dokumenata:
 - izdavanje prepisa/duplikata svjedodžbe.....20 KM
 - izdavanje izvoda iz nastavnog plana i programa.....60 KM

- f) participacija u troškovima školovanja: u skladu sa Instrukcijom kojom se definiše visina participacije koju donosi ministar za obrazovanje, nauku i mlade Kantona Sarajevo.
- g) Izdavanje opreme i prostora u zakup: izdavanje prostora u zakup, kao i visinu naknade za zakupninu utvrđuje školski odbor, a u skladu sa zakonom i podzakonskim aktima koji reguliše izdavanje poslovnih zgrada i prostorija.

Član 7.

(Visina naknada za posebne i specijalizovane programe)

Visinu naknade za realizaciju posebnih i specijalizovanih programa koje realizuje Škola, utvrđuje školski odbor, uz prethodnu saglasnost ministra za obrazovanje, nauku i mlade Kantona Sarajevo.

Član 8.

(Visina naknada za realizaciju ostalih usluga)

Visinu naknade za usluge koje realizuje Škola, a koje nisu obuhvaćene članom 6. i 7. ovog Pravilnika utvrđuje Školski odbor.

III- RASPODJELA VLASTITIH PRIHODA

Član 9.

(Raspodjela stečenih vlastitih prihoda)

Vlastite prihode koje je Škola ostvarila u cjelosti se raspoređuju Školi.

Član 10.

(Način raspodjele vlastitih prihoda)

- (1) Prihodi iz člana 5. stav (1), tačka a) ovog Pravilnika raspoređuju se na sljedeći način:
 - a) 15 KM naknade za jedan čas nastavniku koji izvodi pripremnu i instruktivnu nastavu,
 - b) Ostatak prihoda dijeli se na sljedeći način:
 - 1) 20% naknade ostalim radnicima izvan nastave koji sudjeluju u realizaciji poslova;
 - 2) 40% za materijalne troškove, tekuće održavanja i nabavku opreme;
 - 3) 40% za stručno usavršavanje, sportske i kulturne aktivnosti, takmičenja, nagrade učenicima i ostale namjene.

- (2) Prihodi iz člana 5. stav (1), tačka b) ovog Pravilnika raspoređuju se za pokriće troškova realizacije posebnih i specijalizovanih programa, a u skladu sa Odlukom školskog odbora.
- (3) Prihodi iz člana 5. stav (1), tačka c) i d) ovog Pravilnika raspoređuju se na sljedeći način:
- a) 50% za materijalne troškove, tekuće održavanja i nabavku opreme;
 - b) 40% za naknadu radnicima koji sudjeluju u realizaciji poslova;
 - c) 10% za stručno usavršavanje, sportske i kulturne aktivnosti, đачke ekskurzije, takmičenja, nagrade učenicima i ostale namjene.
- (4) Prihodi iz člana 5. stav (1), tačka e), f) i g) ovog Pravilnika raspoređuju se na sljedeći način:
- a) 20% za materijalne troškove, tekuće održavanja i nabavku opreme;
 - d) 80% za stručno usavršavanje, sportske i kulturne aktivnosti, takmičenja, nagrade učenicima, ekskurzije i ostale namjene.
- (5) Prihodi iz člana 5. stav (1), tačka h) ovog Pravilnika raspoređuju se na sljedeći način:
- a) 40% za materijalne troškove, tekuće održavanja i nabavku opreme;
 - b) 30% za naknadu radnicima koji sudjeluju u realizaciji poslova;
 - c) 30% za stručno usavršavanje, sportske i kulturne aktivnosti, đачke ekskurzije, takmičenja, nagrade učenicima i ostale namjene.
- (6) Prihodi iz člana 5. stav (1), tačka i) ovog Pravilnika raspoređuju se u skladu sa instrukcijom kojom se definiše visina participacije, koju donosi ministar za obrazovanje, nauku i mlade Kantona Sarajevo.
- (7) Prihodi iz člana 5. stav (1), tačka j), k), l), m) ovog Pravilnika raspoređuju se na sljedeći način:
- a) 80% za materijalne troškove, tekuće održavanja i nabavku opreme;
 - b) 30% za stručno usavršavanje, sportske i kulturne aktivnosti, takmičenja, nagrade učenicima, ekskurzije i ostale namjene.

Član 11.

(Korištenje vlastitih prihoda za plaće)

Škola koristi vlastite prihode za plaće i naknade radnicima u slučaju da stiču vlastiti prihod po osnovu tačkа a), b), c), d) i h) ovog Pravilnika.

U drugim slučajevima Škola prihode za plaće koristi u izuzetnim slučajevima uz saglasnost Ministarstva za obrazovanje, nauku i mlade Kantona Sarajevo.

IV PRAĆENJE NAPLATE I RASPOREĐIVANJE VLASTITIH PRIHODA

Član 12.

(Praćenje naplate i raspoređivanje vlastitih prihoda)

- (1) Škola je dužna da redovno prati, putem izvještaja koje dobija od Ministarstva finansija, dospelost i naplatu vlastitih prihoda.
- (2) Škola je odgovorna za potpuno i pravovremeno uplaćivanje vlastitih prihoda na depozitni račun.
- (3) Škola je dužna da ostavrene i naplaćene vlastite prihode rasporedi na rashode u finansijskim mjesečnim planovima izvršenja Budžeta.

V KONTROLA UTROŠKA VLASTITIH PRIHODA

Član 13.

(Izvještaj o utrošku)

Škola najmanje jednom u 6 mjeseci Ministarstvu za obrazovanje, nauku i mlade Kantona Sarajevo dostavlja izvještaj o sticanju i utrošku vlastitih prihoda.

VI ZAVRŠNE ODREDBE

Član 14.

(Stupanje na snagu)

- 1) Ovaj Pravilnik stupa na snagu danom donošenja, a primjenjuje se nakon pribavljenog mišljenja Ministarstva finansija i dobijene saglasnosti na isti od Ministarstva za obrazovanje, nauku i mlade Kantona Sarajevo.
- 2) Stupanjem na snagu ovog Pravilnika prestaje da važi Pravilnik o korištenju vlastitih prihoda škole broj: 01-971-2/17 od 03.02.2017. godine.

Broj: 03.2-25/17
Sarajevo, 12.12.2017.

PREDSJEDNICA ŠKOLSKOG ODBORA

Mr.sci. Azemina Njuhović